

Mazu Hiyanashikiliku

Mu Luka 10:25-37 tukuwanamu nsañu ya ka Samaliya Wamuwahi. Muniyi nsañu Yesu wahanini mutambi nindi mazu ni mwekenu hiyashikilaku. Neyi tunakuhosha hakukeña Nzambi, twatela kushakama neyi yena.

Nsañu yinakuhosha hamuntu wendeli nzhila kufuma ku Yerusalema nakuya ku Yeriko. Hakachi kanzhila amulukukili kudi ambazhi nakumushiya kwakamwihi nakufwa kunsu ya mukwakwa. Iku wakama heseki Kapristu na kaLevi, aditeneneña nawu 'Antu Akakwitiya' amutondolweleli chakubula kumutala. Chakuhayama, ka Samaliya, chilumbu aheleliwu kudi ezhima, wamwinkeli iwu iyala wukwashi wakeñeliyi. Hakuzatisha iheta dindi, ka Samaliya wamukeñeli nakumuhemba iwu iyala munzhila yakwila kosi welilimu.

Kapristu na kaLevi ateleleli kwiluka mazu aloña akuhosha, mwakwimbila zhi kolasi, mwakulombelela nawa chiña ayilemesheli mu chichi yawu. Ilaña kaSamaliya diyi wamwekesheli kukeña kwa Yesu. Chipompelu chalala chamutiyaña Nzambi kuwaha hikushakama nakukeña neyi Yesu, kushika kudi atuzweñi, adi nkawawu, adatililewa nakuyikeña wena nayezhima yitukweti.

Nsañu ayishimwini nakuyikundamisha kunawa mazu atiyakana: "Watela kukeña Yehova Nzambi yeyi namuchima weyi wezhima, nawumi weyi wezhima, nañovu zheyi zhezhiba nina yitoñozhoka yeyi yezhima," nawa "Keñaku mukwenu neyi chiwadikeña eyi aweni." Yesu wamweni izhi neyi nshimbi yaswezha kulema mu Bayibulu yezhima. Muloñadi? Nzambi hi Nzambi wakukeña nawa neyi chikuhwelela chetu mudi yena kwalala chatela kumwekeshewa mu yilwilu ya kukeña ni kukalakela amakwawu.

Kakavulu neyi akakwitiya tunatweshi kukwatika hakuhemba zhimwekenu. Tunatweshi kuhosha yuma yezhima yaloña, kuya ku chichi, kulomba ni kudifukula ilaña yilwilu yetu hamu ninochu chitwelaña kudi akwetu yinatweshi kushimuna nsañu yambuka chikupu. Mu Yakoba 2:14 Yakoba wehwili lwihu kuwahanyi kwekalamu neyi tuhosha netu tukweti chikuhwelelu, ilaña hitukweti nyidimu yakumwekeshaku?

Nzambi nakeñi etu twikali akola mu chikuhwelela chetu, kushakama mawumi etu namuchima wezhima hadi Yesu nawa nina mawumi etu kwinyikila amakwawu kudi Yena. Chalema nankashi hakwila tuhani mawumi etu hakukeña kwa amakwawu, nakwikala neyi añamba chakwila tutweshi kwikala akakwenda, ni kuhosha kwa chitalilu cha kukeña kwa Nzambi.

Yishenu mukudiza nakuyizatisha!

Mu chituñilu chenu mukwikala antu adi neyi mukakwenda wudi munsañu nawa nakukeñeka wukwashi. Wunatweshi kufukula kuyidiwula awa antu neyi chelili kaPristu na kaLevi, hela kuyikeña neyi chelili ka Samaliya. Mwiluña denu wanakuwu wumu wunakukabakana. Atela kwikala akata, nkawawu hela kukabakana hakwila yadyi. Hamu nebwambu wumu hela ayedi, dikasenu awunu mulungu mumukeñi nakumukalakela iwu muntu.


Lombenu nenu:

- 1) Nzambi wukumumwekeshela iwu muntu ochu chamukeñawu.
- 2) Sipilitu Wazhila wukulombola, nakumwekeshela mwakwilila.



Izanvu da Kuhanda mu Chitembo, mu Zambia danyeñumukili mukala wawu nakutala wunakukabakana. Ahumañeni kashinakazhi wamubanda wa yaaka 72, wadishakamina nkawindi chakubula wakumukwasha. Wahosheli nindi chisaka chindi chaya ku mukala wukwawu. Hadiña na yakudyaku. Izanvu da Kuhanda dakeñelikeñeli chisaka chindi, ilaña hiyachimweniku. Dichi amuhembeli awenawu, kumulandila chipela chesaña nikumuzatila nakumudimina.

- Pilius, Luapula, Zambia



Iku kudiza kwafuma mu "Mazu Hiyanashikiliku" afumishewa mu "Keñaku Mukala Weyi".

Awanikang'a hanu:

dignityonline.org.uk/publications